

## Vorrede.

vnd für sich selbst auch viel vnd mancherley Kranckheiten  
heilet / kommen vnd gelangen kann. Philippus Vlstadi-  
us ein geborner Teutscher macht ein solch Aurum potabile,  
mit welchem man gleichsam die Verstorbene von den Tode-  
ten aufferwecken / vnd sie widerumb lebendig machen könn-  
te: Vnd bereitet neben demselbigen so viel herrliche vnd köst-  
liche Wasser / daß sich die ganze Welt genugsam darüber  
hatte zu verwundern. Ioannes de Vigo erfand das Præcipita-  
tum, so mehr fast gemein worden / vnd in vielen Arzneyen  
gebraucht wirdt: Vnd endlich so haben auch Dioscorides,  
Hieronymus Brunswicensis, Alexander Benedictus, An-  
dreas Fernerius, Antonius Guainerius, Auicennas, Bar-  
tholomeus Montagnana, Bondus auß Portugall / Hiero-  
nymus Cardanus, Hermolaus Barbarus, Iohann Bracef-  
cus, vnd andere viel bey dieser Kunst gethan / vnd dieselbi-  
ge nach ihrem besten Vermögen befördert / illustriert vnd er-  
leuchtet diejenige / so sonst von der Alchimie geschrieben / als  
da sind Aristoteles, Geber der Philosophus, der scharpffsinn-  
ige Raymundus Lullius, Auicennas, Diomedes, Arnal-  
dus, Rhases vnd Hermes, als das Haupt aller Philosophen  
vngemeldet: Denn dieselbige haben vns mit gemeldten ihren  
Schriften vielfaltig gedienet / vnd ihnen derowegen einen  
vnsterblichen Namen gemacht: Sintemal darinnen außführ-  
lich gelehret wirdt / nicht allein von dem Metall vnd Kupffer /  
wie man nemlich Klocken / Geschütz vnd Büchsen / Leuch-  
ter / Becken vnd andere dergleichen Geschirz darauß zumas-  
chen pflege / sondern auch wie man das Glas mache / das Gold  
vnd Silber scheide / allerley Art Farben zurichte / die Gemälte  
desto mehr zuziehen / vnd dergleichen Sachen / als an deren  
die Welt nicht allein umb viel gebessert / sondern auch fast vbel-  
entrahthen kann / zuwegen bringe. Müssen derowegen diejenige  
gebillich vnverschämte / grobe vnd vnverständige Leute seyn /  
so sich